



PROJEKT LIGJI

“PËR ZHVILLIMIN E NDËRMARRJEVE MIKRO, TË VOGLA DHE TË MESME”

Përmbajtja e projekt-ligjit

KREU I DISPOZITA TË PËRGJITHSHME

- Objekti
- Qëllimi
- Përkufizimi i NMVM-ve

KREU II MBËSHTETJA SHETËRORE PËR NDËRMARRJET MIKRO, TË VOGLA DHE TË MESME

- Format e mbështetjes shtetërore për ndërmarrjet mikro, të vogla dhe të mesme
- Procedura për dhënien e mbështetjes financiare për ndërmarrjet nga institucionet shtetërore
- Shërbimet publike për ndërmarrjet
- Roli i njësive të vetqeverisjes vendore për zhvillimin e ndërmarrjeve
- Raportet vjetore
- Strategjia për Zhvillimin e Biznesit dhe Investimeve

KREU III KËSHILLI PËR NDËRMARRJET MIKRO, TË VOGLA DHE TË MESME

- Këshilli konsultativ për ndërmarrjet

KREU I DISPOZITA TË PËRGJITHSHME

Neni 1

Objekti

Ky ligj përcakton rregullat për masat dhe politikat shtetërore për klasifikimin, nxitjen e krijimit dhe të zhvillimit të ndërmarrjeve.

Neni 2

Qëllimi

Qëllimi i këtij ligji është të përcaktojë përkufizimin e ndërmarrjeve mikro, të vogla dhe të mesme të përdorur në politikat shtetërore për t'i mbështetur ato, si dhe politikat shtetërore, kuadrin institucional dhe rregullator në ndihmë të ndërmarrjeve

Përkufizimi i ndërmarrjeve mikro, të vogla dhe të mesme (NMVM)

Neni 4

Numri i të punësuarve dhe tavanet financiare që përcaktojnë kategoritë e ndërmarrjeve

- Ndërmarrjet klasifikohen në: mikrondërmarrje, ndërmarrje të vogla dhe ndërmarrje të mesme.
- Kategoria e mikrondërmarrjeve dhe ndërmarrjeve të vogla e të mesme (NMVM) përfshin ato ndërmarrje, ku punësohen më pak se 250 persona dhe që realizojnë një shifër afarizmi dhe/ose një bilanc total vjetor jo më të madh se 250 milionë lekë.
- Ndërmarrje e vogël quhet një ndërmarrje, ku punësohen më pak se 50 persona dhe e cila ka një shifër afarizmi dhe/ose bilanc total vjetor jo më të madh se 50 milionë lekë.
- Mikrondërmarrje quhet një ndërmarrje, ku punësohen më pak se 10 persona dhe e cila ka një shifër afarizmi dhe/ose bilanc total vjetor jo më të madh se 10 milionë lekë.
- Për qëllime statistikore ndërmarrjet klasifikohen në:
 - mikrondërmarrje: 0 deri 9 persona, ku brenda këtij grupimi detajohen në 0-1 persona dhe 2-9 persona;
 - ndërmarrje të vogla: 10 deri 49 persona;
 - ndërmarrje të mesme: 50 deri 249 persona.

Zbatimi i përkufizimit të NMVM-ve

Mënyra e deklarimit të llojit të ndërmarrjes, sipas pikave 1, 2 dhe 3 të këtij neni, përcaktohet me udhëzim të miratuar nga ministri përgjegjës për ekonominë.

Neni 5 Ndërmarrjet që konsiderohen për llogaritjen e personelit dhe vlerës financiare

1. “Ndërmarrje autonome” është çdo ndërmarrje, e cila nuk zotëron, e vetme ose bashkërisht me një ose më shumë ndërmarrje të lidhura, 25% ose më shumë të kapitalit ose të të drejtave të votës së një ndërmarrje tjetër. Ndërmarrja autonome nuk është e lidhur me një ndërmarrje tjetër në asnjë nga format e parashikuara në pikën 3 të këtij neni.

2. “Ndërmarrje partnere” janë të gjitha ndërmarrjet që nuk klasifikohen si ndërmarrje të lidhura në kuptim të pikës 3, të këtij neni dhe midis të cilave ekziston marrëdhënia si vijon: një ndërmarrje zotëron, ose vetëm ose së bashku me një ose më shumë ndërmarrje të lidhura në kuptim të pikës 3, të këtij neni, 25 % ose më shumë të kapitalit ose të të drejtave të votës të një ndërmarrje tjetër. Një ndërmarrje mund të jetë autonome, duke mos patur ndërmarrje partnere, edhe nëse pragu prej 25% plotësohet ose tejkalohet nga investitorët që renditen si vijon, me kusht që këta investitorë të mos jenë të lidhur, në kuptim të pikës 3, të këtij neni, ose individualisht ose bashkërisht me ndërmarrjen në fjalë:

- korporatat publike të investimeve, shoqëritë e kapitalit sipërmarrës, individët ose grupet e individëve me aktivitet të rregullt në investimet e kapitalit sipërmarrës, të cilët investojnë kapitalin e vet në ndërmarrje të palistuara (*business angels*), me kusht që investimi total i biznesve të palistuara në të njëjtën ndërmarrje të jetë më pak se 30,000,000 Lekë;
- institucionet e arsimit të lartë ose qendra jofitimprurëse kërkimore;
- investitorët institucionalë, përfshirë fondet rajonale të zhvillimit;
- njësitë e vetqeverisjes vendore me një buxhet vjetor me më pak se 10 milion EUR dhe më pak se 5000 banorë.

3. “Ndërmarrje të lidhura” janë ndërmarrjet që kanë një nga lidhjet e mëposhtme:

- një ndërmarrje ka shumicën e të drejtave të votave të aksionarëve ose anëtarëve në një ndërmarrje tjetër;
- një ndërmarrje ka të drejtë të emërojë ose largojë shumicën e anëtarëve të organeve administrative, menaxhuese ose mbikëqyrëse të një ndërmarrje tjetër;
- një ndërmarrje ka të drejtë të ushtrojë një ndikim dominues mbi një ndërmarrje tjetër, në bazë të një kontratë të lidhur me atë ndërmarrje ose të një përcaktimi në memorandum apo nenet e statutit;
- një ndërmarrje, e cila është aksionare ose anëtare e një ndërmarrje tjetër, kontrollon e vetme, në përputhje me një marrëveshje me aksionarët e tjerë ose anëtarët e asaj ndërmarrjeje, shumicën e të drejtave të votave të aksionarëve ose anëtarëve në atë ndërmarrje.

Neni 9 **Dhënia e mbështetjes shtetërore për ndërmarrjet mikro, të vogla dhe të mesme**

- Për dhënien e mbështetjes shtetërore, në zbatimin e disa politikave mbështetëse për ndërmarrjet mikro, të vogla dhe të mesme, pavarësisht përcaktimeve të bëra në nenin 4, të këtij ligji, mund të konsiderohet vetëm kriteri i numrit të personelit, por në përputhje me rregullat për ndihmën shtetërore.
- Ndihma shtetërore dhe ndihma “*de minimis*” jepet në përputhje me legjislacionin në fuqi për ndihmën shtetërore.
- Mbështetja për ndërmarrjet mikro, të vogla dhe të mesme duhet të garantojë akses gjinor të balancuar.

KREU II

MBËSHTETJA SHETËRORE PËR NDËRMARRJET MIKRO, TË VOGLA DHE TË MESME

Neni 10

Format e mbështetjes shtetërore për ndërmarrjet mikro, të vogla dhe të mesme

Format e mbështetjes shtetërore që jepen për ndërmarrjet e mikro, të vogla dhe të mesme përfshijnë kryesisht:

- Mbështetje financiare nga buxheti i shtetitMbështetje financiare nga donatorët vendas apo të huaj ;
- Garanci shtetërore të huasë sipas ligjit në fuqi për borxhin dhe garancitë shtetërore, në zbatim të politikave të veçanta të qeverisë,
- në përputhje me parimet dhe rregullat fiskale mbi qëndrueshmërinë e borxhit publik si dhe kufizimet e borxhit shtetëror dhe të garancive shtetërore të huave;
- Shërbime publike për ndërmarrjet mikro, të vogla dhe të mesme, sipas përcaktimeve në këtë ligj;

Neni 15

Roli i njësive të vetqeverisjes vendore dhe qendrore për zhvillimin e ndërmarrjeve

Përveç përcaktimeve të mbështetjes financiare buxhetore dhe shërbimeve publike të përcaktuara në nenet 10-15 të këtij ligji, autoritetet përgjegjëse për zhvillimin e ndërmarrjeve mikro, të vogla dhe të mesme janë edhe njësitë e tjera të qeverisjes qendrore dhe vetqeverisjes vendore, të cilat në kuadër të hartimit të politikave të zhvillimit dhe legjislacionit të fushës ofrojnë mbështetje për ndërmarrjet.

Neni 16

Raportet vjetore

- Njësitë e qeverisjes qendrore dhe vetqeverisjes vendore detyrohen që, brenda datës 31 mars të vitit pasardhës, të paraqesin pranë Agjencisë Shqiptare të Zhvillimit të Investimeve raporte vjetore për të gjitha skemat mbështetëse financiare dhe mbështetjen publike për ndërmarrjet mikro, të vogla dhe të mesme të dhëna.
- Brenda datës 30 qershor të çdo viti, Agjencia Shqiptare e Zhvillimit të Investimeve paraqet pranë ministrisë përgjegjëse për ekonominë raportin vjetor të vitit pararendës për skemat mbështetëse për ndërmarrjet mikro, të vogla dhe të mesme të dhëna.

KREU III

KËSHILLI PËR NDËRMARRJET MIKRO, TË VOGLA DHE TË MESMENeni 19Këshilli konsultativ për ndërmarrjet

Këshilli kryesohet nga ministri përgjegjës për ekonominë dhe përbëhet nga 12 anëtarë si më poshtë:

- 1 përfaqësues nga ministria përgjegjëse për financat;
- 2 përfaqësues nga ministria përgjegjëse për çështjet e ekonomisë;
- 1 përfaqësues nga ministria përgjegjëse për mbrojtjen e sipërmarrjes;
- 1 përfaqësues nga Agjencia Shqiptare e Zhvillimit të Investimeve; 1 përfaqësues nga Bashkimi i Dhomave të Tregtisë dhe Industrisë;
- 1 përfaqësues nga Qendra Kombëtare e Biznesit;
- 2 përfaqësues të sipërmarrjes dhe biznesit, të për zgjedhur nga organizatat dhe dhomat më të përfaqësuara të tregtisë dhe biznesit;
- 2 përfaqësues të institucioneve të arsimit të lartë, nga të cilët një përfaqësues nga institucionet publike të arsimit të lartë dhe një përfaqësues nga institucionet jopublike të arsimit të lartë;
- 1 përfaqësues nga njësité e vetëqeverisjes vendore, i propozuar nga Shoqata e Bashkive të Shqipërisë.

Kompetencat e Këshillit Konsultativ për ndërmarrjet mikro, të vogla dhe të mesme :

- diskuton çështjet që lidhen me mbështetjen dhe zhvillimin e biznesit;
- nxit bashkëpunimin efektiv ndërmjet organizatave të biznesit/organizatave që mbështesin biznesin dhe organeve shtetërore;
- këshillon lidhur me mënyrën e hartimit të skemave mbështetëse për biznesin, sipas parashikimeve të këtij ligji dhe strategjisë sipas përcaktimit në nenin 18 të këtij ligji.